

APPENDIX:

Oder auß den wahren Philosophis ein kurtz angehengter Bericht/was die vnerfahrne Lasterer/deren sich heutiges tags so viel finden/wider ihren willen/von der wahren Alchimi halten sollen vnd müssen: wollen sie je nicht von der hocherfahrenen vnd gebbeten derselbigen Kunst/ mit warheit vberwunden werden.

Es hat Anno 1621. ein Reformirter Theologus/ mit Namen Philips Geiger: der an sich selbst sonsten wol ein fromer gelehrter Mann sein mag / aber seine Precipitantiam vnd vnerfahrne flugheit / wie auch an andern dergleichen Theologis mehr/ kan ich darumb nicht allerdings loben: vnder andern privat gefälten vrtheilen wider die hocherleuchte Bruderschaft des Rosenkreuzes / auch derselbigen in der Natur selbst ständig gegründte wissenschaft vnd erfahrenheit in der wahren Alchimi / zu tadlen nicht vnderlassen können: welchen ich bishero gern inn öffentlichem Druck/ der ihme vnerkandten warheit zu stewart/ hette widerlegen vnd auß Christlicher wolmeinender trew eines andern erinnern mögen / aber die zeit vnd gelegenheit wirdts erwan/ geliebts Gott/ inskünfftig besser geben/ als bishero / wegen mir nötiger obligender geschafft/ geschehen können. Vorhin istts mehr als öffentlich am tag/ was alle berümbt vnd